



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Služba za finansije, privredu, komunalne i inspeksijske poslove

Broj: 04-23-4-3567/23

Datum: 17.10.2023. god.

Služba za finansije, privredu, komunalne i inspeksijske poslove općine Tešanj rješavajući po zahtjevu Lucije Toprek iz Tešnja, općina Tešanj, na osnovu člana 4. Odluke o organizaciji i sigurnosti saobraćaja na cestama ("Službeni glasnik Općine Tešanj", broj: 3/10,1/12), člana 27. Odluke o lokalnim i nerazvrstanim cestama na području općine Tešanj ("Službeni glasnik Općine Tešanj", broj: 11/17) i člana 200. Zakona o upravnom postupku ("Sl. novine FBiH", broj:2/98, 48/99, 61/22), donosi

RJEŠENJE

- 1.ODOBRAVA SE** Luciji Toprek povremeno zatvaranje jedne kolovozne trake za saobraćaj motornih vozila u ulici Skendera Kulenovića u Tešnju, dana **18.10.2023. godine (srijeda) u periodu od 08,00 do 15,00 sati**, radi rušenja stambenog objekta.
- Povremenu obustavu saobraćaja jedne kolovozne trake obilježiti vertikalnom saobraćajnom signalizacijom, a odvijanje saobraćaja će biti regulisano putem saobraćajnih znakova i ovlaštenih lica.
- Policijska uprava Tešanj će dodatno pratiti stanje sigurnosti saobraćaja na tom dijelu općine, poduzimaće mjere sigurnog odvijanja saobraćaja i druge mjere iz svoje nadležnosti.

Obrazloženje

U cilju rušenja stambenog objekta, Lucija Toprek podnijela je zahtjev ovoj Službi za povremenu obustavu jedne kolovozne trake za saobraćaj motornih vozila u ulici Skendera Kulenovića u Tešnju, dana 18. oktobra 2023.godine (srijeda) u periodu od 08,00-15,00 sati.

Služba je u postupku rješavanja zahtjeva ustanovila da ne postoje smetnje za novi režim odvijanje saobraćaja u periodu povremene obustave saobraćaja, odnosno saobraćaj će se u navednom periodu odvijati jednom kolovoznom trakom.

Imajući u vidu naprijed navedeno, u skladu s članom 27. Odluke o lokalnim i nerazvrstanim cestama na području općine Tešanj ("Službeni glasnik Općine Tešanj", broj:11/17) riješeno je kao u dispozitivu rješenja.

Na ovo rješenje naplaćena je administrativna taksa u iznosu od 50,00 KM u skladu sa tarifnim brojem 2. tačka 30. Tarife općinskih administrativnih taksa ("Službeni glasnik Općine Tešanj", broj: 1/14).

Pouka o pravnom lijeku

Protiv ovog rješenja može se izjaviti žalba Drugostepenoj općinskoj komisiji u roku od 15 dana od dana prijema rješenja.

Dostavljeno:

- Lucija Toprek
- Komunalno-cestovni inspektor
- Policijska stanica Tešanj
- a/a

ZPOMOĆNIK OPĆINSKOG NAČELNIKA —/

Amel Karahmet
Amel Karahmet, dipl.oec